

Atarkinangârtuse kúngíkut, Kúngigssardlok atautsimitudlo!

Ivnânganermit, nunap isuanut, Angmagssalingmitdlo Kangerdlugssuarmut Kunûngûp tokuneranik nalunaerut okimângârtumik misiginekasaoκ, taimatut sórdlo piniartortavta ilâník iluatingnangârtumik kajaussokartarângavta.

tamarmik Kunûnguamik ilisaringnigsimassut nuánaringârpât; angisûniángilak, ingminutdle nikanartítarpoκ. inûsia angalau-sialo piniartorpalugput, inûsugtudlo anguterpalârnera nuánâr-torât. avangnâmiut angatdlatáinik angatdlaringneratigut saper-parput, taimátaoκ okautsivut atordlugit okausekatigiliortarne-ratigut inorssautigâput. taigdliortûgamilo okautsit erkordluartut umáminit aniatítarpai. umingmagssuit mardluk aportáuneránik okaluasáva, okalugtuatdlarkigsortavta taima erkortigissumik tusarnertigissumigdlo okalugtuarísavdlugo saperdluínásavât.

okautsivut atuagkiamigut nutáungorsarpai, atornerisigut kuss-anarsisitdlugit.

nunavtínut, uvavtínutdlo iluakutausimanera angingârame okausigssaκ ajornaκaoκ! Ivnânganeκ erkarsautigiguvtigo, tá-ssane ernînak takusínauvarput Kunungûp iluakutausimanera. ajokersuiartortitsineκ niuvernerdlo atulersípai, tamatigudlo sujumukartitdlugit.

kitâmiut sujumukarsimanerussut pivdlugit kigsautgalugo sulíssutigisimavâ mêrkat kavdlunâttut ilíniarnigssât, tamánalo mãna atortûlerpoκ.

ukiut kingutdlit Angmagssalingmiut angatdlavigissarpai, tássanime ilisimatútut pásiniagkame inârutigssânik navssârsimagame.

âtavigissavtínut Danmarkimut nunarput ilûngardlunę erkartüssiníkut pigissagssángortitáungmat, kularíngilarput Kunûnguartaoκ tamatumúnga sulivdluasimassoκ.

erkaineκarnera atarkiuásavarput!
